

Tasdawit n Bgayet - Tasga n tutlayt d yidles n tmaziyt  
Aseggas wis 3 tasnilest – Aseggas asdawan 2020/2021  
Aselmad : MEZIANI Y.

**AMEDYA N USEFTI**  
**(TASEKNAWALT TAMATUT)**

**Asteqsi 1 : Mmeslay-d yef wazal n usagem deg usebde n usegzawal. (/8)**

Asagem d amud. D tanga tamezwarut swayes i ilaq ad d-yebnu umseknawal asegzawal-ines. Asagem yettak-ay-d isallen yef temsislit : amek ttwantaqen yimesla/wawalen, yef umawal : talyiwin d yinumak, yef tseddast : aseqdec n wawalen deg tefyar. Iswi agejdan n usegzawal d asissen n umawal : talyiwin n yinumak. Amawal n tutlayt d umuy yeldin, yezga yettbeddil, yettnernay : ttnulfun-d wawalen d yinumak, yettenqas : jellun wawalen d yinumak, mačči am temsislit d tseddast. Ihi asagem iyef ibedd usegzawal ilaq ad yeqqim yeldi. Akken ad yelhu usegzawal, ur d-neqqar ara akken ad yemmed acku ulac asegzawal ummid, ilaq ad ibedd yef usagem.

Azal n usagem deg tseknawalt :

- Deg-s ara d-nekkes awalen ara yilin d tiwwura deg usegzawal (= ilmend n tsekka n usegzawal)
- Deg-s ara naf asatal n useqdec n wawal-nni, ad naf anamek ney inumak, d wamek yettwasemras deg yinaw (deg tefyar = taseddast)

- Deg-s ara neeqel awalen ur nettwasexdam ara s waṭas (*les mots rares*), awalen iwessaren (*les archaïsmes*), awalen imaynuten (*les néologismes*), awalen iretṭalen (*les emprunts*),...
- Deg-s ara naf isallen isnilesmettiyen yef wawal : anti tignatin ideg yettwassexdam, anwi imsiwal i t-yessexdamen, anta tamnaḍt,...

**Asteqsi 2 : Mmeslay-d yef snat n tyessiwin tigejdanin iyef ibedd usegzawal. (/10)**

Asegzawal d adlis yemgaraden yef yidlisen-nniḍen ama deg tarrayt n useqdec ama deg tyessa-ines. Asegzawal yebna yef snat n tyessiwin: tayessa n tewwura (= *la macrostructure*) akked tyessa n yisallen/n tbadutin (= *la microstructure*).

**Tayessa n tewwura**

D tumuyt n wawalen n tutlayt (ama d wid n tutlayt tamatut = asegzawal amatu, ama d wid n kra n tayult = asegzawal uzzig, ama d ismawen imazlayen = takussna). Deg tidet, tawwurt deg usegzawal mačči d awal, mačči d anmawal maca d ayninaw. Deg yal tutlayt tella talya i d-yettwaddamen akken ad tili d tawwurt deg usegzawal. S umata, deg usegzawal tettwaεqal s tira tazurant, ney s yini (=couleur), ...

**Tayessa n yisallen/n tbadution (la microstructure)**

Tayessa n yisallen d agraw n yisallen i d-yettak umseknawal yef tewwurt

*Tira n wawal (tirawalt)* : deg tutlayin yesεan ansay n tira yerked, tira n wawal (tirawalt-ines) tettbin-d deg tewwurt-nni s timmad-is. Deg tmaziyt, nezmer ad d-nini aya d imiran acku tura kan i tqeεεed iman-is tira.

*Tira tamsislant* : teqqar-ay-d amek yettwanṭaq wawal (agsusru-ines)

*Taggayt n tjerrumt* : isem, amyag, tanzeyt, amqim, arbib, ... dayen isallen yef  
taggayt n tjerrumt : amyag : amsuk, aramsuk,...isem : amalay, unti, ...

*Tagmuzart ney tadra n wawal* : ma awal yekka-d seg tutlayt-nniḍen, ney tarrayt  
yettwaxxedmen deg lebni n wawal : arusrid = ar+usrid, ...

Tikwal ad naf ula d azemz n tlalit n wawal-nni, ladya deg tutlayin yettwarun seg  
zik.

*Tabadut* : d tafyirt i d-igellmen anamek n wawal. Tafyirt-a tettwaḥsab d  
amegdawal n wawal-tawwurt.

*Amedya* : yiwen ney aṭas n yimediyaten ilmend n yinumak n wawal-tawwurt i  
yeskanayen asatal n useqdec n wawal-tawwurt. Amedya-ya, yezmer ad t-id-yawi  
umseknawal seg yidlisen ney seg wayen yellan yaṣ deg timawit am yinzan,  
timseεraq,... (=exemple cité) yezmer ad t-id-yesnulfu, ad t-id-yebnu, netta yakan  
(=exemple forgé).

### **Tira : 2 n tneqqiḍin**

Deg wayen yerzan tira tumrist, ulac win i d-yewwin snat-a n tneqqiḍin mmdent.  
Win yufraren yewwi  $1.5/2$ , amur ameqqran wwin  $1/2$ , kra wwin  $0.5/2$ . Llan kra  
n yinelmaden, bexlaf tuccḍiwin i xeddmn deg tira, ur ssinen ara ad sunyen  
isekkilen dya d ayen i yettaḡḡan aselmad ad yenεettaḅ deg useyti. A wi yufan  
inelmaden-a ad εerḍen ad seggmen tira-nsen, ama deg wayen yerzan asuney n  
yisekkilen ama deg wayen yerzan ilugan n tira, acku d nutni i d iselmaden n  
uzekka (ahat n useggas i d-itteddun). Şhassfey aṭas yef yinelmaden ur nessin ara  
ad arun.